



Claudii Fleurii Abbatis Historia Ecclesiastica

Ab anno Christi 1460. usque ad annum 1478

Fleury, Claude

August. Vind. [u.a.], 1768

VD18 90118332

§. 95. Electio Francisci Ruverri in Papam sub nomine Sixti IV.

[urn:nbn:de:hbz:466:1-66459](#)

statum de regulis Cancellariae, quae eidem Sæcul. XV.
adscribuntur.

A.C. 1471.

§. XCV.

*Electio Francisci Ruverri in Papam
sub nomine Sixti IV.*

Absolutis Pauli Papæ exequiis, Cardinales ingressi sunt conclave numero haud plures quam septendecim, ceteris Roma absentibus, atque ob inopinatam & subitaneam Pontificis mortem accessu præventis. Hi Successorem eligunt Franciscum de Albexola Ruverrum, Cardinalem tit. S. Petri ad vincula, qui die nona Mensis Augusti assumpto nomine Sixti IV. in summum Pontificem proclamatus est. Annum agebat circiter quinquagesimum tertium, cum sub Pontificatu Joannis XXIII. Anno salutis millesimo quadringentesimo decimo quarto primam lucem aspexit; Fuit a Paulo II. Pontifice, cui oppido carus erat, quanto ante ejus obitum anno purpura decoratus, non quidem absque quorumdam æmulatione, qui ob senii prærogativam præferri sperabant, nec tamen Francisci electioni utpote manifesto meritorum suffragio factæ obsistere audebant. Priusquam Sacro Cardinalium Collegio adscriberetur, in variis Italæ scholis longe celeberrimis publice Philosophicas tra-

Hist. Eccles. Tom. XXIX. Aa didit

Secul. XV. didit disciplinas, & Beffaricne Cardinale
A.C. 1471. peritissimo græci atque latini idiomatis
 Magistro Papiæ usus, ac intima illi familiaritate junctus erat. Demum purpura
 ornatus, tam præclaro virtutum exemplo prælucebat aliis, ut aula sua in asceterium migrasse videretur; licet enim dignitatis suæ munia exacte obiisset, nuncquam tamen mentem suam ab assiduo litterarum studio sejunxit, prout relicta posteris ingenii sui monumenta testantur.

§. XCVI.

Sixti IV. Pontificis Familia.

Hujus Pontificis electionem potissimum suffragio, atque auctoritate sua promovebant Cardinalis de Ursinis Romanus, Rodericus Borgias Pro-Cancellarius, & Franciscus Gonzaga Cardinalis Mantuanus. His ut Papa grati animi obsequium præstaret, ante omnia obtentis Pontificatus honoribus, Ursinum Sacrae Romanæ Ecclesiæ Camerarium crebat, Borgiam vero S. Jacobi, & Gonzagam S. Gregorii Abbatii locupletabat. Ceterum inaugurationis suæ solemnia die vigesima tertia Mensis Augusti (*) celebra

(*) Pagius in suo Breviario Roman. Pontific. ad hunc annum scribit: *falso, Et absque autoritate*